

四庫全書

經部

欽定四庫全書

經部

六家詩名物疏卷二十八至

詳校官監察御史臣沈孫璉

通政使司副使臣莫瞻菴覆勘

總校官中書臣朱鈐

校對官助教臣黃昌禔

謄錄監生臣孫國鑑

欽定四庫全書

六家詩名物疏卷二十五

明

馮復京

撰

國風秦一

秦

譜云秦者隴西谷名於禹貢近雍州烏鼠之山周孝王
封伯翳末孫非子為附庸邑之於秦谷至曾孫秦仲宣
王命作大夫秦仲孫襄公平王初討西戎以救周平王
東遷王城乃以岐豐之地賜之始列為諸侯遂橫有周

西宗周畿內八百里之地其封域東至迤山在荊岐終南惇物之野至玄孫德公又徙於雍云○括地志秦州清水縣本名秦十三州志云秦亭秦谷○元命包云東井鬼星散為雍州分為秦國○詩含神霧云秦地處仲秋之位男懦弱女高鰥白色秀身音中商其言舌舉而仰聲清以揚

按秦今陝西鞏昌府秦州境內有秦亭德公所徙之雍今鳳翔府鳳翔縣地

車鄰篇

白顛

爾雅云的顛白顛舍人云的白也顛額也額有白毛今之戴星馬○周易云震為的顛疏白額為的顛取動而見○埤雅云觀禮奉束帛匹馬卓上九馬隨之說者以為卓即的顛故以為上列而九馬隨其後莊子曰齊之以月題蓋月題額上當顛如月者所以象顛之白然則馬之貴的顛可知矣馬政論云顛有白毛謂之的盧又

曰準上有旋毛及白毛者謂之的吻凶俗云的願非也

寺人

周禮寺人王之正內五人掌王之內人及女宮之政令
○疏云諸侯寺人傳達君命○范蔚宗云易曰天垂象
聖人則之宦者四星在皇位之側故周禮置官亦備其
數閹者守中門之禁寺人掌女宮之戒月令仲冬閹戶審
門閤謹房室宦人之在王朝者其來舊矣將以其體非
全氣情志專良通閹中人易以役養乎○楊用修云史

年表書穆公學於宁人宁人寺人也此云寺人之令言君不接羣臣但使寺人傳令秦用閹宦非一日矣

阪

爾雅云陂者曰阪李巡曰謂高峯山陂○曹氏曰說文阪山脅也地理志隴西有隴坻在其西注隴阪也即今隴山三秦記其阪九回欲上者七日乃越高處東望秦川然則阪固秦所有也

楊

互見王風蒲

爾雅云楊蒲柳○埤雅云今有黃白青赤四種白楊葉
圓青楊葉長赤楊霜降則葉赤材理亦赤黃楊木性堅
緻難長俗云歲長一寸閏年倒長一寸楊之孚甲早於
衆木○淮南子正月其木楊

按楊柳本二種然相似而稱之易混爾雅云楊蒲柳
即本草之水楊也崔正熊云葉似青楊青楊木出峽
中為牀卧之無蚤又別一種非蒲柳也白楊株大葉
圓如梨皮白多種墟墓間故古詩曰白楊多悲風蕭

蕭愁殺人黃楊葉細難長俗云歲長三寸遇閏則退
一寸人家庭中多植以為玩赤楊霜降則葉及材理
俱赤者又有移楊所謂唐棣之華翩其反而者也蒲
柳一種又有皮青皮紅之別亦名楊柳采薇詩云楊
柳依依是也凡此皆楊之屬也本草柳華其葉狹長
青綠枝條長軟者又有杞柳爾雅所謂旄澤柳也有
赤櫟木爾雅所謂河柳也凡此皆柳之屬也然蒲柳
亦曰蒲楊移楊亦曰移柳河柳亦曰小楊大抵二名

常混陳藏器云江東通名楊柳北人都不言楊楊樹
藥短柳樹枝長朱傳云柳楊之下垂者楊柳之揚起
者說文云柳小楊也欲知楊與柳之別者請以此三
說參之

駟驥篇

驥

傳云驥驪○說文云驥馬赤黑色也○月令孟冬駕驥
驪注色如鐵○埤雅云說文云馬深黑色驪馬赤黑色

驥先儒云取其馬色如鐵非特有取於色蓋亦取其堅壯如驥故曰驥也月令孟冬乘鐵驪即此是也

按驥依傳即驪依說文則二者有別

辰牡

周禮云獸人掌罟田獸辨其名物冬獻狼夏獻麋春秋獻獸物注狼膏聚麋膏散聚則溫散則涼以救時之苦也獸物凡獸皆可獻也及狐狸

拔

疏云拔為矢末以鏃為首故拔為末○釋名云矢末為括括會也言與弦會也括旁曰又形似又也○太甲曰若虞機張徃省括於度則釋○考工記矢人為矢夾其陰陽以設其比夾其比以設其羽鄭司農云比謂括也○禮書云弓矢之括居橐兩旁弩矢之括居橐上下

四馬

箋云四種之馬○周禮校人辨六馬之屬種馬戎馬齊馬道馬田馬駕馬天子十有二閑馬六種邦國六閑馬

四種注諸侯有齊馬道馬田馬其駕馬則分為三

輜車

周禮田僕掌佐車之政設驅逆之車注驅驅禽使前趨獲逆御還之使不出園賈公彥云按王制云大夫殺則止佐車佐車止則百姓田獵彼佐車則此驅逆之車也校人田獵帥驅逆之車

按爾雅輜輕也夏官車僕掌輕車之萃鄭氏云輕車馳敵致師之車然田車以木戎車以革二輕車不同

鸞

箋云置鸞於鑣異於乘車疏云乘車金玉象也夏官太
馭及玉藻經解之注皆云鸞在衡和在軾謂乘車之鸞
也此云鸞鑣則鸞在於鑣異於乘車也○周禮大馭凡
御路儀以鸞和為節○玉藻云君子在車則聞鸞和之
聲行則鳴佩玉是以非辟之心無自入也○明堂位云
鸞車有虞氏之路也注鸞有鸞和也○少儀云鸞和之
美肅肅雝雝○韓詩內傳云鸞在衡和在軾前升車則

馬動馬動則鸞鳴鸞鳴則和應○禽經注云周之文物大備法車之上綴以大鈴如鸞之聲○陸農師云說文曰鸞赤神靈之精也赤色五采鷄形鳴中五音頌聲作則至一曰青鳳為鸞鸞雌曰和雄曰鸞乘車和在衡鸞在軾而輶車置鸞于鑣驅逆之車尚輕疾故也當上古時鸞興慎動此鳥輒集車上雄鳴于前雌應于後後世不能致作和鸞以象之因謂之鸞仗

按鸞瑞鳥也淮南子云羽嘉生飛龍飛龍生鳳凰鳳

鳳生鸞鳥其始生似鳳久則五采變易故字從變省
其音如鈴鑾鑾然故曰鸞也山海經云女牀之山有
鳥其狀如翟而五采文名曰鸞鳥見則天下安寧詩
含神霧云德化充塞照潤八冥則鸞臻春秋運斗樞
云天樞得鸞鳥集孔演圖云天子官守以賢舉則鸞
在野元命包云火離為鸞援神契云德至鳥獸則鸞
鳥舞崑崙圖云鸞鳥似鳳而白纓間樂則蹈舞而至
其雌曰和禽經云鸞一名雞趣首翼赤曰丹鳳青曰

羽翔白曰化翼玄曰陰翥黃曰土符瑞應圖云鸞鳥鳳
凰之佐鳴中五音肅肅雖喜則鳴舞人君行步有
容進退有度祭祀有禮親疎有序則至一云心識鍾
律鍾律調則至至則鳴舞以和之說其形者雖不同
大都似鳳五采此鳥善鳴師曠故言鸞鳴雍雍鳳鳴
喈喈山海經言鸞鳥自歌鳳鳥自舞也禮云鸞車有
虞氏之路意者有虞之世鸞鳥適至故作為鸞和以
象其聲而後世因之鄭注禮記云鸞和皆鈴也則鸞

特鈴而已乃蔡伯喈崔正熊俱謂乘輿之鸞以金為鸞鳥懸鈴其中施于衡上此自漢制非古也乘車鸞在衡和在軾或者如禽經注云綴以大鈴不必有八鸞即漢制亦止為一鸞鳥銜鈴耳左傳疏謂詩詞每言八鸞當謂馬有二鸞鸞若在衡衡唯兩馬安得置八此說未為無見即如仲山甫徂齊為卿士之車烈祖諸侯助祭所乘金路而俱有八鸞者其義何居故蓼蕭傳云在軾曰和在鑣曰鸞鄭注商頌亦依而用

之則不能自守其說矣杜元凱注左傳亦曰驚在鑣和在衡也

鑣

詳見邶風轡

說文云鑣馬銜也○羅氏云鑣亦名扇汗又曰排沫爾雅謂之鑣

獫

爾雅云長喙獫○說文獫長喙犬一曰黑犬黃頤

歇驕

爾雅云短喙獨獠

小戎篇

小戎

疏云戎車小大應同而謂之小戎者六月云元戎十乘以先啓行元大也先啓行之車謂之大戎從後行者謂之小戎故箋云羣臣之兵車言羣臣在元戎之後也○禮書云周禮車僕掌戎車之萃廣車之萃革車之萃輕車之萃戎路即革路也君之所乘周鋒車曰元戎秦兵

車曰小戎則自廣車以下皆戎車也特不謂之戎路爾
車僕凡師共革車會同亦如之戎僕掌馭戎車凡巡狩
及兵車之會亦如之會同巡狩王雖不乘戎車猶共以
從不失備也○董氏云六月言元戎十乘以天子之車
也故夏鉤車殷寅車周元戎然則諸侯之戎車謂之小
戎宜也

收

疏云軫車之前後兩端橫木所以收斂所載故名收焉

兵車言淺軫者對大車平地任載之車為淺也兵車當輿之內從前軫至後軫惟深四尺四寸大車前軫至後軫其深八尺兵車之軫比之為淺○考工記云軫方以象地也輿人為車輪崇車廣衡長參如一參分車廣去一以為隧六分其廣以一為之軫圍注隧車輿深也兵車之隧四尺四寸軫輿後橫者也兵車之軫圍尺一寸○方言曰軫謂之枕○禮書云軫一曰收一曰車枕輿後橫木也軫圍尺一寸其厚與轡共七寸其長六尺輿

人謂輿為車輪人以軫名輿則輿可謂之車亦可謂之軫故鄭氏謂軫輿後橫木又謂軫輿也輶人以軫方對蓋圓則方軫方輿也秦詩以淺收為淺軫則淺軫淺輿也孔穎達謂車前後橫木皆曰軫自後軫至前軫淺于乘車故曰淺然考之于禮車前有軌有陰而已不聞其有軫也說文亦曰軫輿後橫木

按軫輿後橫木也所謂淺收者淺輿也兵車之隧僅四尺四寸大車牝服八尺則箱方而深矣故曰淺收

孔氏之意本不爽但不當謂車前有軫耳

梁

爾雅楣謂之梁注門戶上橫梁又云栿廂謂之梁注屋大梁也

輶

釋名云輶句也輶上句也輶援也車之大援也○詩緝云輶者輶也衡者服馬之輶也輶直一木從後軫至前軫稍曲而上以便服馬之進退至衡則駕於衡之上而

嚮下鈞之衡居於輶下而輶形穹隆上曲如屋之梁謂之梁輶懼輶之不堅一輶之上五分其穹每處以皮革束之○考工記輶人為輶國馬之輶深四尺有七寸田馬之輶深四尺駕馬之輶深三尺有三寸輶欲頗典欲弧而無折經而無絕進則與馬謀退則與人謀終日馳騁左不捷行數千里馬不契需終歲御衣衽不敝此惟輶之和也勸登馬力馬力既竭輶猶能一取焉良輶環漚自伏兔不至軌七寸軌中有漚謂之國輶又云車人

為車凡為轅三其輪崇參分其長二在前一在後以鑿其鈎徹廣六寸鬲長六寸

此謂大車也

○禮書云三等之馬

各下其軻七寸則七寸為衡頸之間也軻之身軌前十尺隧四尺四寸則丈四尺四寸也前為頸後為踵頸以持衡踵以承軻近踵以當兔當兔之圍尺四寸有奇頸圍九寸有奇踵圍七寸有奇大其兔以稱任正小其頸以便馬不大不小以當軻然後固也大車兩轅轅二丈七尺栢車轅一丈八尺○後漢輿服志云聖人觀于天

視斗周旋魁方杓曲以攜龍角為帝車於是乃曲其輶

游環

孔氏曰以環貫鞿游在服馬背上驂馬之外轡貫之游移無定處驂馬欲出此環牽之所以御出也

脅驅

孔氏曰以一條皮上繫於衡後繫於軫當服馬之脅愛慎乘駕之具也驂馬欲入則此皮約之所以止入也○
釋名云脅驅在服馬外脅也

陰

傳云陰揜軛也箋云揜軛在軾前垂軛上○釋名云陰陰也橫側車前以陰竿也○詩緝云以板橫側置車之前及左右三面以陰映車軛故謂之陰

鞞

釋名云鞞所以引車也○疏云鞞者以皮為之繫於陰板之上令驂馬引之車衡之長六尺六寸止容二服驂馬頸不當衡別為二鞞以引車左傳郵無恤云兩鞞將

絕吾能止之是橫軛之前別有驂馬二鞞也○朱傳云
以皮二條前繫驂馬之頸後繫陰板之上

鍍續

釋名云鍍沃也冶白金以沃灌鞞環也續續鞞端也○
疏云金銀銅鐵總名為金此兵車之飾未必皆白銀也
鞞言鍍續則是作環相接故箋云白金飾續鞞之環

文茵

釋名云文輶車中所坐者也用虎皮有文采因與下輿

相連著也○疏云茵者車上之褥

輶

說文云輶輻所輳也○釋名云輶輅也體堅輅也○朱傳云輶者車輪之中外持輻內受軸者也○考工記云輶也者以為利轉也望其輶欲其眼也

眼出大貌

進而視之

欲其幬之廉也凡斬輶之道必矩其陰陽陽也者鎮理而望陰也者疏理而柔是故以火養其陰而齊諸其陽則輶雖敝不斂椁其漆內而中誑之以為之輶長以其

長為之圍以其圍之防

三分除之一稍也

其數五分其轂之長

去一以為賢去三以為軹容轂必直陳篆必正施膠必厚施筋必數疇必負幹既摩革色青白謂之轂之善參分其轂長二在外一在內以置其輻車人為車轂長半柯其圍一柯有半行澤者欲短轂行山者欲長轂短轂則利長轂則安柏車轂長一柯其圍二柯○禮書云轂長三丈二寸圍徑一尺三分寸之二三分轂長以置輻其穿大者謂之賢小者謂之軹其當輻留者謂之數數

亦謂之壺中賢向內軹向外皆金為之轂之飾施膠筋漆而采以約之謂之篆詩所謂約軹是也革以幔之謂之幬所謂幬必負幹是也○孔氏云兵車轂長三尺二寸大車轂長尺半兵車之轂比之為長故謂之長轂

騏

騏傳云蒼騏曰騏疏騏者黑色之名蒼騏曰騏謂青而微黑今之驄馬也○說文曰馬青驪文如博棊

馬

爾雅云膝上皆白惟鬐又云後右足白驤左白鬐○埤雅云易曰震為鬐足蓋取其躁以躁故二絆其足作足言縱之而動也鬐足言制之而動也詩曰駕我騏驎王肅謂駕兩馬者古者士駕二馬政論云後足偏白者凶若鬐之類是也此士之所以駕與

板屋

傳云西戎板屋○地里志云天水隴西山多林木民以板為屋故秦詩曰在其板屋○史記云犬戎攻殺周幽

王遂取周之隹獲居涇渭之間秦襄公救周伐戎至岐
始列為諸侯秦穆公得由余西戎八國服於秦故自隴
以西有綿諸緄戎翟獯之戎岐梁山涇漆之北有義渠
大荔烏氏朐衍之戎

駢

箋云赤身黑鬣曰駢○雅翼云古者駢非所貴故淮南
子曰旁光不升俎駢駁不入牲○字林云駢赤馬黑髦
尾也

駟

爾雅云黑喙駟注今之淺黃色者為駟馬○說文云駟黃馬黑喙

龍

大戴禮曰鱗蟲三百六十而龍為之長○禮運曰龍以為畜故魚鼈不滌○元命包云龍之言萌也陰中之陽故言龍舉而雲興○廣雅云有鱗曰蛟龍有翼曰應龍有角曰龍龍無角曰蛇龍龍能高能下能小能巨能幽

能明能短能長淵深是潛敷和其光○說文云龍春分而登天秋分而潛淵○管子云龍被五色而游故神欲小則化如蠶蠋欲大則極于天下欲上則凌于雲氣欲沈則入于深泉變化無日上下無時謂之神○淮南子云蛟龍剖卵于陵其雄鳴上風雌鳴下風而化者形精之至也人不見龍之飛舉而能高者風雨奉之也又云羽嘉生飛龍毛犢生應龍介鱗生蛟龍介潭生先龍○論衡云短書言龍無尺木不能升天謂龍從木中升天

也○抱朴子曰有自然之龍有虵蠋化成之龍○陰陽自然變化論云驪龍之眸見百里纖芥又云龍能變水人能變火龍不見石魚不見水○雅翼云王符稱世俗畫龍馬首虵尾將雨則吟其聲如戛銅盤涎能發衆香其噓氣成雲反因雲蔽身故不可見龍火與人火相反得濕而焰遇水而燔以火逐之則燔息而焰滅○埤雅云龍八十一鱗具九九之數九陽也○南部新書云龍性麁猛畏蠟愛竹及空青而嗜燒燕食燕肉人不可渡

海○說原云龍有三停九似之說謂自首至膊膊至腰腰至尾皆相停也角似鹿頭似駝眼似鬼項似蛇腹似蜃鱗似魚爪似鷹掌似虎耳似牛

鰓

疏云以白金飾皮為鰓以納物也○說文云環之有舌者徐鍇云鰓以其環形似鰓

輶

說文云驂馬內轡繫軾前者○疏云驂馬欲入則偏於

脅驅內轡不須牽挽故知軻者納驂內轡繫於軾前其繫之處以白金為釭也

邑

說文云國也從口先王之制尊卑有大小從卩○釋名邑人聚會之稱

倭駟

箋云倭淺也謂以薄金為介之札○韓詩云駟馬不著甲曰倭駟

公矛

傳云公三隅矛也○釋名云仇矛頭有三叉言可以討仇敵之矛也○書曰二人執惠一人執銳孔安國云惠三隅矛銳矛屬

鐔

曲禮云進戈者前其鐔後其刃進矛戟者前其鏃後其銳注銳底曰鐔取其鐔地平底曰鏃取其鏃地

伐

疏云櫓是大盾伐為中干干伐皆盾之別名

鏤膺

疏云膺胷也膺上有鏤是以金飾馬帶若今之婁胷用金為飾取其堅牢○先鄭周禮注云纓當胷喪禮下篇曰馬纓三就禮家說曰纓當胷以削革為之三就三重三匝也

閑

儀禮注云韋弓繫也弛則縛之于弓裏備損傷也以竹

為之詩云竹閉緹滕○考工記云凡為弓寒奠體則張不流注至冬膠堅內之檠中定往來體流猶移也又云恒角而達譬如終紲注紲謂弓鞬○禮書云鞬以竹為之狀如弓然約于弓裏命之曰閉所以備損傷也鞬以閉之故亦謂之閉緹以繫之故亦謂之紲如此則納之韜中足以定往來之體祛翩反之病矣

緹詳見釋

傳云緹繩也

六家詩名物疏卷二十五

欽定四庫全書

六家詩名物疏卷二十六 明 馮復京 撰

國風秦二

蒹葭篇

蒹

詳見衛風蒹

釋草云蒹蒹郭璞曰蒹似萑而細高數尺江東呼為蒹
適○陸璣云蒹水草也堅實牛食之令牛肥彊青徐人
謂之蒹兗州遼東通語也○說文云蒹萑之未秀者○

埤雅云簾高數尺今人以為簾箔因此為名

湄

爾雅云水草交為湄○釋名云湄眉也臨水如眉臨目也

坻

爾雅云小渚曰沚小沚曰坻○釋名云小沚曰坻沚遲也能竭水使流遲也○甫田箋云水中之高地

終南篇

終南

郡縣志終南山在京兆府萬年縣南五十里一名太一
一名中南○關中記云終南山亦名中南言在天中居
都之南也○禹貢云終南敦物至于鳥鼠○左傳云中
南九州之險也○三秦記云太一在驪山西去長安二
百里山之秀者也中有石室靈芝一名地肺可避洪水
○方輿記云東方朔謂終南天之大阻其中多金銀鐵
玉石樟檀異類之物此百工取給萬物所仰足也○柳

子厚云終南西至于褒斜又西至于隴首以臨于戎東至于商顏又東至于大華以距于闕實能作固以屏王室其物產之厚器用之出則璆琳琅玕夏書載焉紀堂條梅秦風咏焉○詩緝云周都豐鎬面對終南故天保祝君斯干考室節南山刺師尹皆指此山也○一統志終南山在陝西西安府府城南五十里一名南山東西連亘藍田咸寧長安藍屋鄠縣及鳳翔府扶風縣西抵大散關產玉石金銀銅鐵及合離草月青樹太一山在

終南山南二十里連亘秀特上挿雲霄

按張衡西京賦云終南太一隆崛崔嵬潘岳西征賦云九峻嶷嶭太一龍嵒面終南而背雲陽跨平原而連蟠冢則終山太一信非一山矣然古人多以為一山故李善曰終南山山之總名太一一山之別名

條

爾雅云槲山榎孫炎曰詩云有條有梅條槲也郭璞曰今之山楸○陸璣云槲今山楸也亦如下田楸耳皮葉

白色亦白材理好宜為車板能濕又可為棺木宜陽共
北山多有之

梅

爾雅云梅柟○陸璣云梅樹皮葉似豫章豫章葉大如
牛耳一頭尖赤心華赤黃子青不可食柟葉大可三四
葉一叢木理細緻於豫樟子赤者材堅子白者材脆江
南及新城上庸蜀皆多樟柟終南山與上庸新城通故
亦有柟也

按陸璣所釋梅自是柟木似豫章者豫章大樹所謂生七年而可知可以為棺舟者也陳文帝嘗出柟材造戰艦即此柟也若今之所謂梅乃古和羹之梅邊實之乾蓀郭璞云似杏實酢者此也若爾雅之梅柟乃陸云似豫章者景純不當以似杏實酢解之草木同名異種者甚多如山榎名條柟亦名條豈可以上文之條為柟耶朱傳于標有梅既具釋此章不復云似合二梅為一矣

錦衣狐裘

玉藻云君衣狐白裘錦衣以裼之鄭氏云君衣狐白毛之裘則以素錦為衣覆之使可裼也袒而有衣曰裼必覆之者裘褻也詩云衣錦綈衣然則錦衣復有上衣明矣天子狐白之上服皮弁服與凡裼衣象裘色也疏云天子視朝服皮弁服有狐白錦衣諸侯與天子之朝亦然凡在朝君臣同服諸侯朝天子受皮弁之裼歸來嚮國則亦錦衣狐裘以告廟則秦詩云君子至止錦衣狐

裘是也又云士不衣狐白又云錦衣狐裘諸侯之服也
注云非諸侯則不用錦衣為裼○孔氏云諸侯在國視
朔及受鄰國之聘其皮弁服皆服麕裘不服狐白諸侯
在天子之朝廷服此服耳受天子之賜歸則服之以告
廟於後不復服之

按古人之裘最重狐白天下無粹白之狐而有粹白
之裘則狐白之難得可知矣昔紂以狐白兔西伯田
子方以狐白禮子思田文以狐白脫秦難其貴之如

此故天子以為朝服諸侯以為賜服凡在朝君臣同服而惟卿大夫得衣之又別其裼衣天子諸侯以錦卿大夫以素蓋禮服之重者也陳氏祥道以為燕服其說亦是而戾於先儒今且依先儒之說

丹

說文云丹巴越之赤石也○禹貢荊州貢丹○本草圖經云丹砂今出辰州謂之辰砂牀砂生石上塊大者如雞子小者如石榴子狀若芙蓉頭箭鏃連牀者紫黯若

鐵色而光明瑩徹○韓詩作汭汭赭也音撻各反

紀

疏云紀謂山基也○程子云紀稜角○崔靈恩集注作
岨曰終南之旁有岨山

堂

傳云堂畢道平如堂也○爾雅云畢堂牆郭璞云今終
南山道名畢其邊若堂室之牆○一統志畢原在西安
府咸陽縣北周文武成康葬于此原終南山之道名也

○朱傳云堂山之寬平處○王伯厚云爾雅說文皆以山如堂者曰密謂形如堂室也此言終南形勢之壯

黻衣

考工記云黑與青謂之黻○孔安國尚書傳云黻為兩已相背○疏云鄭周禮注差次章色黻皆在裳言黻衣者衣大名與繡裳異其文耳○禮書云黻色青黑天下之理歸于所斷成于所辨故服章以黻終焉

黃鳥篇

子車

服虔左傳注云子車秦大夫氏也○括地志秦穆公冢在岐州雍縣東南二里三良冢在雍縣一里故城內

夫

禮記云夫也者以知帥人者也注云夫之言丈夫也

晨風篇

晨風

爾雅云晨風鷖郭云鷖屬○陸疏云鷖似鷖青黃色燕

頷勾喙嚮風搖翅乃因風飛急疾擊鳩鴿燕雀食之○
禽經云鷓曰鷓注晨風也狀類雞青色○埤雅云鷓去
來有時○列子云鷓之為鷓鷀之為布穀布穀久復為
鷓也

櫟
詳見唐風桐

通志云櫟曰橡其實作棗曰皂斗曰橡斗爾雅釋木云
櫟其實棗詩秦風云山有苞櫟並此也其釋木云桐杼
與唐風云集于苞桐並是柞木而陸璣誤謂是此耳

駮

傳云駮如馬倨牙食虎豹○爾雅疏云駮亦野馬名○
山海經云中曲之山有獸焉其狀如馬而白身黑尾一
角虎牙爪音如鼓音其名曰駮是食虎豹可以禦兵○
雅翼云周書王會正北方義渠以茲白即此物也○陸
璣疏云駮馬梓榆也其樹皮青白駮犖遙視似駮馬故
謂之駮馬下章云山有苞棣隰有樹檉皆山隰之木相
配不宜云獸○古今注云六駮山中有木葉似豫章皮

多癩駁

按中曲山之駁最是猛獸此詩又以六字足句王肅云據所見而言恐詩人見六駁必駭而走矣何暇韻之為詩乎爾雅云駟白駁若直以為馬之名駁者亦自可通要之陸璣之說為長但陸云樹名駁馬六字仍無可解必是隕中有六樹耳崔正熊正以六駁為名僅亦有據乎

棣

詳見召南唐棣

傳云棣唐棣也

棣

釋木云棣羅○陸璣云棣一名赤羅一名山黎今人謂之楊棣實如黎但小耳一名鹿黎一名鼠黎今人亦種之極有肥美者亦如黎之美○埤雅云其文細密如羅故曰羅又有白者赤羅文棘白羅文緩雖皆文木赤羅為上○梁寅云子小酢可食

無衣篇

袍

釋名云袍丈夫著下至跗者也袍苞也苞內衣也○玉藻云纁為繭繆為袍注云衣有著之異名也纁謂今之新綿也繆謂今纁及舊絮也疏好者為綿惡者為絮

師

周易師卦彖云師衆也○周禮小司徒會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢

賦凡起徒役毋過家一人司馬序官云凡制軍萬有二千五百人為軍王六軍大國三軍次國二軍小國一軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長大司馬凡令賦以地與民制之上地食者參之一其民可用者家三人中地食者半其民可用者二家五人下地食者參之一其民可用者家二人○鄭志云春秋之兵雖累萬

之衆皆稱師詩之六師謂六軍之師○鄭周易注云多以軍為名次以師為名少以旅為名師者舉衆之言○周書云五五二十五曰元卒一卒居前曰開一卒居後曰敦左右一卒曰閭四卒成衛曰伯三伯一長曰佐三佐一長曰右三右一長曰正三正一長曰卿三卿一長曰辟注此謂諸侯三軍數起於伍

戈

說文平頭戟也○釋名云戈勾矛戟也戈過也所刺擣

則決過所鈎引則制之弗得過也○周禮司戈盾掌戈

盾之物而頒之考工記四分其金而錫居一謂之戈戟

之齊戈秘

柄也

六尺有六寸治氏為戈廣二寸內倍之

胡內

接秘者

胡三之

戈之矛也

援四之

援直刃

已倨則不入已句則不

決長內則折前短內則不疾是故倨句外博

廣其本

重三

鋒

一斤四兩

廬人為廬器勾兵欲無彈

戈戟屬彈掉也

是故勾兵裨

側方去

櫟毆兵同強舉圍欲細細則校

疾也

○曲禮疏云戈鈎

矛戟也如戟而橫安刃但頭不向上為鈎也直刃長八

寸橫刃長四寸接柄處長四寸並廣二寸○禮書云五兵之便於用者戈而已其秘短而易持其胡援廣而易入可以搯可以斬可以擊可以鈎然戈勾兵也或謂之雞鳴或謂之擁頸皆指其胡名之也

澤

說文作釋釋袴也○箋云釋褻衣近污垢○釋名云汗衣近身受汗垢之衣也詩謂之澤受汗澤也或曰鄙袒或曰羞袒作之用六尺裁足覆胷背言羞鄙於袒而用

此耳

戟

釋名云戟格也旁有枝格也○說文云戟有枝兵也長丈六尺○方言云戟楚謂之矛凡戟而無刃秦晉之間謂之矟或謂之鎮吳揚之間謂之戈東齊秦晉之間謂其大者曰鏐胡其曲者謂之鈎矟鏐胡三刃枝南楚宛郢謂之匿戟其柄自闕而西謂之柶或謂之戣○廣雅匿謂之雄戟○考工記云車戟常崇於戣四尺治氏為

戟廣寸有半寸內三之胡四之援五之倨勾中矩與刺重三錡又云桃氏為刃四分其金而錫居一謂之戈戟之齊○禮書云戟或作棘有三鋒刺則鋒之直前者也胡則正方中短而下垂者也援則磬折而上達者也楚武王荆尸援師子先儒謂之戟書一人執殲一人執瞿先儒以為戟屬則戟之異名多矣○漢書晁錯上言曰兩陣相近平地淺草可前可後此長戟之地也劍楯三不當一

渭陽篇

舅

爾雅云母之昆弟為舅孫炎曰舅之言舊尊長之稱

氏

詳見周南姓

朱子云姓是大總腦處氏是後來次第分別處如魯本
姬姓其後有孟氏季氏同為姬姓而氏不同也

渭陽

箋云秦是時都雍至渭陽者蓋東行送舅氏於咸陽之

地○孔氏云雍在渭南水北曰陽晉在秦東行必渡渭
地里志右扶風渭城縣故咸陽也其地在渭水之北○
水經渭水逕長安城北注即咸陽也

按雍今陝西鳳翔府鳳翔縣地咸陽漢為渭城縣今
為咸陽縣屬西安府渭水南去縣三里

路車

白虎通云天子大路路大也道也王也君至尊制度大
所以行道德之政也諸侯路車大夫軒車士飾車○釋

名云輅亦車也謂之輅者言行於道路也○尚書大輅
在賓階面綴輅在阼階面先輅在左塾之前次輅在右
塾之前孔安國曰大輅玉綴輅金先輅象次輅木○周
禮巾車王之五路一曰玉輅錫樊纓十有再就建太常
十有二旂以祀金路鈎樊纓九就建大旂以賓同姓以
封象路朱樊纓七就建大赤以朝異姓以封革路龍勒
條讀為纓五就建大白以即戎以封四衛木路前讀為
樊鵠纓建大麾以田以封蕃國鄭玄曰玉金象路以玉

金象飾諸末革路鞅之以革而漆之無他飾木路不鞅以革漆之而已又典路掌王及后之五路辨其名物與其用說○禮器云大路繁纓一就次路繁纓七就鄭氏曰大路殷祭天之車郊特牲云大路繁纓一就先路三就次路五就○宋書禮志云秦閱三代之車獨取殷制古曰桑根車秦曰金根車也漢氏因秦之舊亦為乘輿所謂乘殷之輅者也○禮書云玉路謂之大路獨周為然若夫商之大輅則木路而已諸侯之大路則金路也

猶之熊侯謂之大侯春秋傳稱王賜晉文公以大路之服祝鮀言先王分魯衛晉以大路王賜鄭子僑以大路王賜叔孫豹以大路杜氏以賜魯衛晉之大路皆金路賜穆叔子僑之大路當是革木二路此不可考

瑰

說文云玫瑰似玉○疏云瑰是美石之名

權輿篇

夏屋

釋名云屋奧也其中溫奧也○崔駰七依說宮室之美云夏屋渠渠○揚子雲云震風淩雨然後知夏屋之幪幪也

按夏屋毛無明訓鄭則以為大具以食我王肅述毛以為屋室之屋而朱子從之楊用脩云大俎也其說出於元人陰幼達而楊又以禮周人房俎魯頌大房推而知之未為的據所謂大具以食者亦是平日之常食非公食大夫之禮食也公食大夫之禮似饗而

盛于燕設黍稷六簋下章云每食四簋其非禮食可知矣

簋

包氏論語注云瑚璉黍稷之器夏曰瑚殷曰璉周曰簋
簋○周禮舍人凡祭祀供簋簠實之陳之賓客亦如之
注曰方曰簠圓曰簋盛黍稷稻粱器○掌客注云簠稻
粱器也簋黍稷器也○考工記云旒人為簋實一穀崇
尺厚半寸脣寸豆實三而成敵凡陶旒之事髻

不正壘
頤頓

薛

讀為栢破也

暴

墳起

不入市○釋文云內方外圓曰簋以盛

黍稷外方內圓曰簠用貯稻粱皆容一斗二升○三禮圖云簠受一升下足高一寸中方外圓漆丹中蓋龜形諸侯飾以象天子玉飾盛黍稷簋受一升足高一寸中圓外方剡其四角漆赤中蓋亦龜形其飾如簠盛稻粱易傳云建星之形似簠

按簠之為器中方外圓高一尺厚半寸受斗二升以瓦為之或用木其上有蓋蓋謂之會儀禮啓簠會是

也下有足陳之有籍覆之有巾飾之以玉朱漆其中
其蓋則象龜形記云管仲鏤簋而朱紘君子以為濫
則大夫士之簋刻龜于蓋而已不得如人君全鏤之
也考之于禮用簋則簋從用簋則簋或不與是簋尊
而簋卑簋以盛稻粱簋以盛黍稷而毛公釋四簋云
黍稷稻粱鄭玄解玉藻云朔月四簋則日食稻粱各
一簋而已然則簋亦得盛稻粱矣以諸侯朔月少牢
四簋推之則天子朔月太牢當六簋黍稷稻粱麥苽

各一簋或者盛則陳八簋更加以稻粱此章四簋伐木八簋皆以天子諸侯朔月之盛食禮賢者及諸舅也易曰二簋應有時王弼云至約之道不可常也則二簋其至約者與然詩云每食四簋特每日之常食耳若禮食則其數更多公食下大夫黍稷六簋上大夫八簋其稻粱上下大夫俱兩簋聘禮饗餼上大夫堂上八簋東西夾各六簋是其數多也其諸侯則掌客云上公侯伯子男簋皆十有二其祭禮則祭統云

八簋之實注云天子之祭八簋差而下之諸侯蓋六
簋矣大夫士之祭則有敦無簋三禮圖說簋簋龜蓋
漆中是也但似以簋為簋以簋為簋當由字誤賈公
彥曰祭宗廟用木簋祭天地外神用瓦簋然少牢饋
食有瓦豆安知祭廟無瓦簋乎

六家詩名物疏卷二十六

欽定四庫全書

六家詩名物疏卷二十七 明 馮復京 撰

國風陳

宛丘篇

宛丘

傳云四方高中央下曰宛丘○爾雅云宛中宛丘郭璞
曰宛謂中央隆高又云丘上有丘曰宛丘陳有宛丘○
孔仲達云宛丘言其中央宛宛然是爲四方高中央下

也○水經注宛丘在陳城南道東○輿地廣記爾雅丘上有丘曰宛丘今其地形則然

按毛釋宛丘以爲中央下李巡孫炎爾雅釋同郭氏獨謂中央隆高者以爾雅上文云水潦所止泥丘水潦所止非中央下而何下文又云丘上有丘曰宛丘即是申說中央高之義孔氏豈能力辨丘上有丘亦爲中央下乎輿地廣記云其地形符同爾雅蓋有所徵矣爾雅又云天下有名丘五其三在河南二在河

北說者以爲淮南之州黎陳之宛齊之營在河南晉之潛衛之敦在河北然則宛爲名丘故幽公日游蕩于其上也

鷺

爾雅云鷺春鋤郭璞曰白鷺也頭翅背上皆有長翰毛今江東人取以爲睫攤名之曰白鷺縗○陸璣云鷺水鳥也好露而潔白故謂之白鳥齊魯之間謂之春鋤遼東樂浪吳揚人皆云白鷺大小如鷄青脚高尺七八寸尾

如鷹尾喙長三寸頭上有長毛十數枚毳毳然與衆毛異好欲取魚時則弭之今吳人亦養焉好羣飛行楚威王時有朱鷺合沓飛翔而來舞則復有赤者然則鳥名白鷺赤者少耳○禽經云鷺好露又云窠窠雖雖鴻儀鷺序○陰陽自然變化論云鷺目成而受胎○物類相感志云鷺人養之于池塘馴若家禽每至白露日即飛騰而去○埤雅云鷺步于淺水好自低昂故曰春鋤色雪白善蹙捕魚其翔集必舞而後下故詩以況二王之

後曰我客戾止亦有斯容也

缶

爾雅云盎謂之缶○疏云缶是瓦器可以節樂若今擊甌又可以盛水盛酒即今之瓦盆也○易注云弁星似缶○方言云缶謂之甌甌其小者謂之甌

按易云不鼓缶而歌則大耋之嗟知缶是樂器又云樽酒簋貳用缶禮器五獻之尊門外缶知缶是酒器左傳宋災具綆缶知缶又是汲器然缶以節樂其來

已久春秋外傳曰瓦絲尚宮呂不韋曰堯使質以麋
鞞冥缶而鼓之史記藺相如請秦王鼓缶莊子妻死
鼓盆而歌楊惲言酒後耳熱仰天鼓缶淮南子曰窮
鄉之社扣瓮拊瓶相和而歌自以爲樂亦鼓缶之類
也

東門之枌篇

東門

傳云國之交會○戴氏云陳詩多言東門必陳人遊息

之地

粉

爾雅云榆白粉孫炎曰榆白者名粉郭璞曰粉榆先生
葉卻著莢皮色白○埤雅云粉先敷後葉著莢其葉初
生蓋似兔目榆性扇地所扇各與木等故其陰下五穀
不植而古人就以息焉陳詩東門之粉婆娑其下是也
○內則云粉以滑之

子仲

傳云陳大夫氏

按此詩作於陳幽公時幽公在宣公前路史注云子仲氏陳宣公子即詩子仲之子者非也

原

傳云原大夫氏疏春秋季友如陳葬原仲是陳有大夫姓原氏也○朱傳云會于南方之原○爾雅曰大野曰平廣平曰原又云可食者曰原○公羊傳曰上平曰原○春秋說題辭云原端也平而有度也○釋

名云廣平曰原原元也元氣廣大也○周禮原師辨
原隰之名

按毛公云高平曰原非也爾雅廣平曰原高平曰陸
績

說文績緝也○漢書云冬民既入婦人同巷相從夜績
必相從者所以省費燎火同巧拙而合習俗也○閭師
民不績者不衰

市

易云古者日中爲市致天下之民聚天下之貨交易而退各得其所蓋取諸噬嗑○周禮內宰凡建國佐后立市祭以陰禮司市掌市之治教政刑量度禁令以次序分地而經市

次吏所治思次介次也若今市亭思次市師所蒞介次胥師賈師所蒞也

以陳

肆辨物而平市以政令禁物靡而均市以商賈阜貨而行布以量度成賈而徵儻以質劑結信而止訟以賈民禁僞而除詐以刑罰禁暴而去盜以泉府同貨而斂賒大市日昃而市百族爲主朝市朝時而市商賈爲主夕

市夕時而市販夫販婦爲主凡治市之貨賄六畜珍異
亡者使有利者使阜害者使亡靡者使微其屬有廛人
胥師賈師司廛司稽胥肆長之官考工記云匠人營國
面朝後市市朝一夫○風俗通云市恃也言交易而退
恃以不匱也○古史考云神農作市高陽氏衰市官不
修祝融修市○白虎通云因井爲市故曰市井○古今
注云闔市垣也闔市門也肆陳也店置也○禮書云古
之治市也君夫人世子命夫命婦不得過屬遊飲食者

不得行鬪鬪暴亂出入相凌犯者不得作圭璧金璋犧
牲祭器戎器與不中度量不中殺伐之類不得粥然遺
人五十里有市市有候館量人營軍之壘舍量其市朝
州涂則道路之與軍師亦有市矣天文旗星中四星曰
天市中星衆者實其中虛則耗此市之象也

按市朝之市在國中者乃是商賈貿易之地雖幽公
淫荒必無司虺屬游之禁然揆之理勢不宜聚會歌
舞于其間也上文云南方之原其地必閒曠而可樂

意者如遺人道路之市與古者八家同井家有私田百畝公田十畝餘二十畝爲井竈廬舍即就廬舍以交易市井之名殆出於此而後世因謂國都之市亦爲市井則此詩所謂市者或在野外田間未可知也東漢書注婦人于市中歌舞以祀神蓋以太姬好巫覡其民化之故有是說抑齊魯韓三家之義與

醵

傳云醵數王肅述毛云醵數績麻之縷也○西京襍記

云倍緘爲紀倍紀爲緩

菽

爾雅云菽蚍蛄郭云今荊葵也似葵紫色謝氏云小草
多花少葉葉又翹起○古今注云荊葵一名戎葵一名
芘芘華似木槿而光色奪目有紅有紫有青有白有黃
莖葉不殊但花色有異耳一曰蜀葵○陸璣云芘芘一
名荊葵似蕪菁華葉紫綠色可食微苦○羅氏曰荊葵
比戎葵葉小花似五銖錢大色粉紅有紫文縷之一名

錦葵大抵似蘆葍花故陸氏云似蕪菁花釋草篇戎葵
郭氏曰今蜀葵又曰荻芑郭氏曰今荊葵其所來各
不同本草云蜀葵中小花者名錦葵一名戎葵功用更
強則以此襍之蜀葵中而反得戎葵之名矣崔豹古今
注其說戎葵蜀葵之狀可也混荊葵芑芑之名于內者
非也然今人亦通呼此爲蜀錦葵則從其類比附之耳
○濮氏曰芑芑紫荊春時開花葉未生花紫色自根及
幹而上連接甚密有類蟻窠故爾雅名虺虺俗曰火蟻

按古之說菽者以爲錦葵今邑中多有而濮一之云
紫荆別是一說非也

衡門篇

衡門

疏云衡古文橫假借字也衡門橫木爲門門之深者有
阿塾堂宇此惟橫木爲之言其淺也

鯉

養魚經云所以養鯉者鯉不相食易長又貴○陶隱居

云鯉魚最爲魚之主形既可愛又能神變乃至飛越江湖○本草圖經云鯉脊中鱗一道每鱗上皆有小黑點從頭數至尾無大小皆三十六鱗○雅翼云鯉孟春之月應陽而動上負冰○埤雅云鯉魚赤今人以盤水養之雖困鱗不反白蓋健魚也

子

史記云舜封契於商賜姓子氏○禮緯曰祖以玄鳥生子也○中候握河紀云堯曰嗟朕無德欽奉丕圖賜示

二三子斯封稷契臯陶賜姓號注云賜姓號者契爲子
稷爲姬臯陶未聞又契握湯說契云賜姓子氏以題朕
躬

東門之池篇

東門池

傳云池城池也○孔安國曰停水曰池○說文云隍城
池也有水曰池無水曰隍○家語云池水之大魚鼈生
焉萑葦長焉誰知其非泉也○郡縣志東門池在陳州

城東門內道南○水經注云陳城故陳國也東門內有池池水東西七十步南北八十許步水至清潔而不耗竭不生魚草水中有故臺處詩所謂東門之池也

紵

陸璣云紵亦麻也科生數十莖宿根在地中至春自生不再種也荆揚之間一歲三收今官園種之歲再刈刈便生剥之以鐵若竹挾之表厚皮自脫但得其裏韌如筋者謂之微紵今南越紵布皆用此麻○周禮典枲掌

布總縷紵之麻草之物

管

爾雅云白華野管郭璞曰管茅屬○白華箋云刈白
華于野已漚名之爲管○陸疏云管似茅而滑澤無毛
根下五寸中有白粉者柔韌宜爲索漚乃尤善矣○范
氏曰管以爲屨○濮氏曰左傳云雖有絲麻無棄管蒯
蒯與管皆謂苕也黃華者俗名黃芒即蒯也白華者俗
名白芒即管也○周書曰成王時會人獻以管○山海

經云天帝之山其下多管○異物志云香管似茅而葉
長大于茅不生洿下之地凡所烝享必得此管包裹助
調五味

東門之楊篇

昏

說文云昏日冥也从日氏省氏下也○釋名昏損也陽
精損滅也○禮記疏云日入後二刻半爲昏

墓門篇

墓

互見唐風域

春官墓大夫注云墓冢塋之地孝子所思慕之處

棘

詳見邶風

詩緝云荆棘

鴞

疏云鴞惡聲之鳥一名鵂與梟一名鵂膽印云爲梟爲鵂是也俗說以爲鴞即土梟非也○陸璣疏云鴞大如班鳩綠色惡聲之鳥也入人家凶賈誼所賦鵂鳥是也

其肉甚美可爲羹臠又可爲炙漢供御物各隨其時唯
鴉冬夏常施之以其美故也○爾雅云梟鴟○埤雅云
鴉鳴其民有禍證俗云禍鳥也肉可爲炙故莊子曰見
彈而求鴉炙○荊州記曰巫縣有鳥如雌雞其名爲鴉
○廣志曰鴉楚鳩所生如驢巨虛種類不滋乳也○漢
書賈誼傳云服似鴉○嶺表錄異云北方梟人家以爲
怪南中晝夜飛鳴與烏鵲無異桂林人羅取生鬻之家
家養使捕鼠以爲勝狸○酉陽雜俎云相傳鶻生三子

一爲鷓鴣不飲泉及井水惟遇雨濡翮方得水飲

按爾雅梟鷓即此惡聲之鷓也梟鷓音相近故孔仲達云鷓一名梟古書多稱梟鳴指此非土梟也土梟爾雅自謂之鷓鷃郭注梟鷓云土梟誤矣本草云鷓目吞之令人夜中見物博物志云鷓鷃一名鷓鷃夜目至明今云吞鷓目而夜中見物似說鷓鷃非鷓矣鷓鷃即爾雅之怪鷓又云鷓鷃鷃者也本草又云賈誼云鷓似鷓其實一物考之異物志有鳥如小雞體

有文色土俗因形名之曰服不能遠飛行不出域周禮注云天鳥惡鳴之鳥若鴉鵂賈公彥曰鴉之與鵂二鳥俱夜爲惡鳴者是二鳥不可合爲一也

防有鵲巢篇

防

毛傳云防邑也○郡國志陳郡陳縣注博物記曰邛地在縣北防亭在焉○朱傳云防人所築以捍水者○說文云隄也○周禮稻人以鬴畜水以防止水匠

人爲溝洫凡溝必因水勢防必因地勢善溝者水
激之善防者水淫之凡爲防廣與崇方其耨二分
去一大防外耨凡溝防必一日先深之以爲式里
已讀作爲式然後可以傳衆力○禮記云以舊防爲
無所用而壞之者必有水敗○郊特牲祭防注云
坊以畜水亦以鄣水○左傳薦掩町原防

茗

陸璣云茗茗饒也幽州人謂之翹饒夏生莖如勞豆而

細葉似蒺藜而青其莖葉綠色可生食如小豆藿也○
詩緝云此旨苕苕饒也非小雅苕之華所謂陵苕也

中唐

爾雅云廟中路謂之唐堂塗謂之陳○毛傳云中中庭
也唐堂塗也○詩緝云毛以中爲中庭唐爲堂塗不必
分也中唐猶言唐中耳

甕

爾雅云甕甕謂之甕注甕甕也今江東呼爲甕甕

鷓鴣

爾雅云鷓鴣綬郭璞曰小草有襟色似綬也○陸璣云鷓
五色作綬文故曰綬草○劉公瑾云鷓本鳥名亦名綬
鳥咽下有囊如小綬具五色鷓鴣之名豈因其似鷓鴣鳥
而取義乎

株林篇

株林

傳云株林夏氏邑也○寰宇記陳州南頓縣西南三十

里有夏亭城城北五里有株林○郡縣志宋州柘城縣
本陳之株邑○一統志開封府睢州柘城縣在州城東
南九十里古朱襄氏邑春秋時爲陳株野地

夏

楚語云昔陳公子夏爲御叔娶于鄭穆公女生子南子
南之母亂陳而亡之○疏云徵舒祖字子夏故以夏爲
氏

澤陂篇

澤

釋名云下有水曰澤言潤澤也○風俗通云傳曰水草
交厝名之曰澤言其潤澤萬物以阜民用○周禮云川
澤其動物宜鱗物其植物宜膏物其民黑而津澤虞掌
國澤之政令爲之厲禁使其地之人守其財物以時入
之于王府頒其餘於萬民凡祭祀賓客共澤物之奠○
月令孟冬命有司收水澤之賦○周語云古之長民者
不防川不竇澤川氣之導也澤水之鍾也

陂

傳云陂澤障○說文云阪也一曰池也○尚書禹貢九澤既陂孔注九州之澤已陂障無決溢矣

菡萏

爾雅荷其花菡萏○說文芙蓉花未發爲菡萏已發爲芙蓉○埤雅云秀曰菡萏暢茂曰華○字說云菡萏實若白隨昏昕開闔

儼

韓詩作嬾薛君曰重顧也○傳云矜莊貌

六家詩名物疏卷二十七

欽定四庫全書

六家詩名物疏卷二十八 明 馮復京 撰

國風檜

檜

朱傳云檜國名高辛氏火正祝融之虛在禹貢豫州外
方之北滎波之南居溱洧之間其君妘姓祝融之後周
衰爲鄭桓公所滅而遷國焉○鄭語云妘姓鄩注陸終
第四子求言爲妘姓封于鄩○世本曰陸終生六子四

曰鄆人○郡縣志鄆城在鄭州新鄭縣東北三十二里
○杜預云檜城在滎陽密縣東北○一統志河南開封
府鈞州新鄭縣周封檜國密縣本古密國亦檜國地

羔裘篇

狐裘

箋云大蜡而息民則有黃衣狐裘今以祭朝服○玉藻
云狐裘黃衣以裼之注云黃衣大蜡時臘先祖之服○
郊特牲云黃衣黃冠而祭息田夫也注云祭謂既蜡臘

先祖五祀也於是勞農以休息之○詩正義云人君以歲事成熟搜索羣神而報祭之謂之大蜡又臘祭先祖五祀因令民得大飲農事休息謂之息民於大蜡之後作息民之祭時有黃衣狐裘大蜡則皮弁素服二者不同以其事相次故連言之○蘇子由云錦衣狐裘其所以朝天子之服

堂

疏云朝路門外之朝堂路寢之堂也○玉藻云君日出

視朝退適路寢聽政使人視大夫大夫退然後適小寢
釋服

素冠篇

素冠

傳云素冠練冠也○李氏曰毛以素冠爲練冠謂練布
使熟其色益白是以謂之素三年之喪十有三月而練
○禭記云喪冠條屬以別吉凶三年之練冠亦條屬右
縫小功以下左總冠縹纓大白冠緇布之冠皆不蕤委

武玄縞而後黹○禮書云喪禮成服布冠小祥練布冠
布冠春秋傳所謂大白之冠也條屬不委武不黹○
箋云喪禮既祥祭而縞冠素紕○玉藻云縞冠素紕既
祥之冠也注紕緣邊也已祥祭而服之疏云紕緣邊者
謂緣冠兩邊及冠卷之下畔其冠與卷身皆用縞但以
素緣耳縞是生絹而近吉○閒傳云又期而大祥素縞
麻衣疏云二十五月大祥此日首服素冠以縞紕之身
著朝服而爲大祥之祭祭訖之後哀情未除反服微凶

之服首服縞冠以素紕之身著十五升布深衣未有采
緣○禮書云縞冠素紕其制厭無綏

按孔氏引間傳注云黑經白緯曰縞朱子從之今考
間傳注黑經白緯曰織豈今禮記本誤乎抑孔氏誤
也

素衣

毛云素冠故素衣疏云謂既練之後服此白布喪服○
箋云除成喪者其祭也朝服縞冠朝服緇衣素裳此言

素衣者謂素裳也○襍記云祥主人之祭也於夕爲期朝服祥因其故服注云喪服小記曰除成喪者其祭朝服縞冠是也祭猶縞冠未純吉也既祭乃服大祥素縞麻衣

按朱子從鄭說以素冠爲既祥冠則其所謂素者乃是白絹非白布也而注素衣又從毛說云素冠則素衣使朱子之意謂素衣爲布則與縞冠素紕之冠不相蒙使謂爲絹則既祥之後無服絹之理鹵莽甚矣

此素衣服之於祥祭之日若既祥之後則服十五升布之深衣以寄其餘哀不服素衣矣又過二月而禫祭則玄冠朝服禫祭訖首著纁冠身著素端黃裳以至吉祭

素韞

疏云祥祭朝服素韞

按素韞亦祥祭之日所服若既祥之後則素縞麻衣不服韞矣

韞

釋名云韞蔽也所以蔽膝前也○采菽箋云蒂太古蔽膝之象也冕服謂之蒂其他服謂之韞以韋爲之○乾鑿度云天子之朝朱蒂諸侯之朝赤蒂注云古者田魚而食因衣其皮先知蔽前後知蔽後後王易之以布帛而獨存其蔽前者重古道而不忘本也○白虎通曰緇者蔽也行以蔽前因以別尊卑彰有德也以韋爲之者反古不忘本也上廣一尺下廣二尺天一地二也長三

尺法天地人也○禮記云韠君朱大夫素士爵韋園殺
直天子直公侯前後方大夫前方後剡角士前後正韠
下廣二尺上廣一尺長三尺其頸五寸肩革帶博二寸
又云一命緼韍再命赤韍三命赤韍又云齊則績結佩
而赤韠又云有虞氏服韍夏后氏山殷火周龍章又云
韠會去上五寸紃以爵韋六寸不至下五寸純以素紃
以五采○士冠禮爵弁服韠韠韠韠韠韠韠韠韠韠
特牲饋食其服皆朝服玄端緇韠唯尸祝佐食玄端爵

鞞○左傳云衮冕黻珽昭其度也○斯干傳云天子純朱諸侯黃朱○東漢志云佩所以章德服之衷也鞞所以執事禮之共也○春秋繁露云鞞之在前朱鳥之象也

按鞞卽黻也黻字或作芾或作紕或作紕士之緼鞞又稱鞞鞞鄭氏云冕服謂之芾其他謂之鞞然禮惟言鞞之制而已更不指芾知芾卽鞞耳一命之士服爵弁亦得稱緼鞞豈以冕服他服爲間乎鄭氏又云

韍舜始作之以尊祭服賈公彥云祭服謂之韍其他服謂之韠然方叔南征車攻諸侯之會同采菽諸侯之交接云朱第赤帶則非獨祭服名韍矣韍之飾依鄭氏明堂位注天子備山火龍章諸侯火而下卿大夫山士黼韠而已以禮推之周多以近世之禮待貴者遠世之禮待卑者鄭說或是也其玄端服之韠加飾亦同惟士無飾故謂之黼韠左傳疏謂韠以色別韍加文飾者非也先儒惟不知韍韠之本同直所從

言之異耳以致紛紛如此

隰有萋楚篇

萋楚

爾雅云萋楚鉞芑郭璞曰今羊桃也或曰鬼桃葉似桃
華白子如小麥亦似桃○陸疏云葉長而狹華紫赤色
其枝莖弱過一尺引蔓於草上今人以爲汲灌重而善
沒不如楊柳也近下根刀切其皮著熱灰中脫之可韜
筆管○本草羊桃一名羊腸一名御弋生山林川谷及

生田野陶隱居云子細小苦不堪噉花甚赤蜀本圖經云葉花似桃子細如棗核多生溪澗今人呼爲細子根似牡丹○埤雅云有兩羊桃一種花實皆連理

按羊桃必蔓于草上而鄭氏云始生正直長大不安尋蔓草木者誤也

匪風篇

飄

爾雅云迴風爲飄李巡曰迴風旋風也一名飄風○老

子曰飄風不終朝○乙巳占云扶搖羊角者曰飄風

鬻

說文大釜也一曰鼎大上小下若甑曰鬻鬻釜屬○釋器云鬻謂之鬻鬻鉶也孫炎曰關東謂甑爲鬻涼州謂甑爲鉶○考工記陶人爲甗實二鬴厚半寸脣寸盆實二寸厚半寸脣寸甑實二鬴厚半寸脣寸七穿○方言云甑自關而東或謂之甗或謂之鬻或謂之酢甗

按鬻本釜屬故可以烹魚甑亦曰鬻鼎上天下小若

甌亦曰鶩蓋異物而同名耳孔仲達泥鶩爲甌以爲俱食器而連言之者誤也

國風曹

曹

朱傳云曹地在禹貢兗州陶丘之北雷夏荷澤之野周武王以封其弟振鐸○孔疏云曹都雖在濟陰其地則踰濟北魯在其東南衛在其西北○郡縣志古曹國在曹州濟陰縣東北四十里自曹叔至伯陽凡十八葉

按古之濟陰縣今山東兗州府曹州曹縣曹所都也
荷澤在曹州境內雷澤城在東昌府濮州即故城陽
鄭箋所謂堯游成陽死而葬焉者也然則今之曹州
曹縣定陶及濮州皆其地

蜉蝣篇

蜉蝣

爾雅云蜉蝣渠略舍人曰南陽以東曰蜉蝣梁宋之間
曰渠略郭璞曰似蛄蜺身狹而長有角黃黑色聚生糞

土中朝生暮死猪好噉之○陸璣云似甲蟲有角大如
指長三四寸甲下有翅能飛夏月陰雨時地中出今人
燒炙噉之美如蟬也○陸佃云叢生鬱棲中朝生夕殞
有浮游之義○夏小正曰五月浮游有殷殷衆也浮游
殷之時也○淮南子云蜉蝣不食不飲三日而死○王
褒云蜉蝣出以陰○廣志云蜉蝣在水中翕然生覆水
上尋死隨流而去

麻衣

箋云麻衣深衣諸侯之朝朝服朝夕則深衣○疏云諸侯夕服當用十五升布深衣而純以采○玉藻云諸侯夕深衣祭牢肉深衣三祛縫齊倍要袷當旁袂可以回肘長中繼揜尺袷二寸祛尺二寸緣廣寸半深衣云古者深衣短毋見膚長毋被土續袷鈎邊要縫半下袷之高下可以運肘袂之長短反詘之及肘帶下毋厭髀上毋厭脅當無骨者制十有二幅以應十有二月袂圓以應規曲袷如矩以應方負繩及踝以應直下齊如權衡

以應平故先王貴之可以爲文可以爲武可以擯相可
以治軍旅完且弗費善衣之次也具父母大父母衣純
以績具父母衣純以青如孤子衣純以素純袂緣純邊
廣各寸半○禮書云虞夏商周養老皆以燕服又周大
夫士之於私朝朝玄端夕深衣庶人吉服深衣而已則
深衣在虞爲燕服在周以爲夕與喪服大夫士庶人皆
服焉所以異於餘服者餘服上衣下裳深衣則衣裳連
矣餘服幅前三後四深衣則十二幅矣餘服三分帶下

紳居二馬由帶以下四尺五寸深衣之帶則當無骨者
矣

按鄭云深衣者用十五升布鍛濯灰治純之以采然
則喪服麻衣雖似深衣之制不必鍛濯灰治以其襍
凶故也惟其鍛濯灰治故得色白如雪此詩云麻衣
知是深衣

候人篇

候人

周禮候人上士一人下士一人史六人徒百有二十人
候人各掌其方之道治與其禁令以設候人若有方治
則帥而致于朝及歸送之于竟○國語單襄公云周之
秩官有之曰敵國賓至闕尹以告行理以節逆之候人
爲導○孔疏云身荷戈設謂作候人之徒屬非候人之
官長也

設

詳見衛風設

說文云設及也

赤芾

詳見檜風譚

傳云大夫以上赤芾乘軒

鵜

爾雅云鵜洿澤郭璞曰今之鵜鵠也好羣飛沈水食魚故名洿澤俗呼之爲淘河○陸疏云鵜水鳥形如鶚而極大喙長尺餘直而廣口中正赤頷下胡大如數升囊若小澤中有魚便羣共抒水滿其胡而棄之令水竭盡魚在陸地乃共食之故曰淘河○本草云烏大如蒼鵠

顧下有皮袋容二升物展縮由袋中盛水以養魚身是水沫惟胃前有兩塊肉如拳○山海經云憲期之山多鵜鵠如鴛鴦而人足其名自呼○莊子云魚不畏網而畏鵜鵠網者公平無私鵜鵠有心故魚畏之○淮南子云鵜鵠飲水數斗而不足鱸鮪入口若露而死○禽經云淘河在岸則魚沒沸河在岸則魚出又云鵜志在水○前漢志鵜鵠集昌邑王殿下劉向以爲水鳥色青青祥也

味

釋文味鳥口也

南山

傳云曹南山也○郡縣志曹南山在曹州濟陰縣東二十里詩南山朝濟是也○十道志云曹南山汜水出焉漢書云高祖即位于汜水之陽今壇存○一統志曹南山在兗州府曹州南一百里詩南山朝濟春秋盟于曹南皆此

鴈鳩篇

騏弁

尚書顧命云四人騏弁執戈注云青黑曰騏孔安國本作綦注云綦文鹿子皮弁王肅云綦亦黑色○孔疏云馬之青黑色者謂之騏此字從馬則謂弁色如騏馬之文○禮書云綦者陰陽之襍故禮以綦組纓爲士之齊冠綦組纓爲世子佩詩以綦巾爲女巾皆其未成德者之服也則士弁以綦宜矣弁師言卿大夫之冕弁各以

其等爲之則士弁無玉飾康成讀玉璫爲綦以綦爲結是臆說也○箋云騏當作璫以玉爲之

詳見衛風弁

年

爾雅云載歲也夏曰歲商曰祀周曰年唐虞曰載注歲取歲星一次祀取四時一終年取禾一熟載取物終更始

下泉篇

下泉

釋水云沃泉縣出縣出下出也李巡云水泉從上溜下出○孔氏云此言下泉謂泉下流是爾雅之沃泉也

稂

爾雅云稂童梁郭璞曰莠類也○傳云稂非漑草得水而病○說文曰禾粟之采生而不成者謂之董節節或从禾作稂○陸璣云禾秀爲穗而不成則疑然謂之董梁今人謂之宿田翁或謂之守田○羅氏曰稂惡草也古以飼馬魯仲孫它馬餽不過稂莠謂此也詩稱不稂

不莠孔氏正義云稂莠苗既似禾實亦類粟鋤禾除非
類莠既別是一物稂亦當是一物許叔重陸璣以爲禾
之不成者則是亦禾而已何至與莠並稱乎按本草有
狼尾草子作黍食之令人不饑似茅作穗生澤地廣志
曰可作黍引爾雅孟狼尾今人呼爲狼茅子然則此物
似是稂爾稂既有實如黍故能亂苗又莠今謂之狗尾
草稂名狼尾則亦相類

按稂鄭破字作涼以爲蕭著之屬今未見有草名涼

者

周京

公羊傳云京師者何天子之居也京者何大也師者何衆也天子之居必以大衆言之○白虎通云京師者千里之邑號也法日月之徑千里或曰夏曰夏邑殷曰商邑周曰京師○公劉京師之野朱子曰京師高丘而衆居之也董氏曰所謂京師者始於此其後因以所都曰京師曰嬪于京依其在京則岐周之京也王配于京則

鎬京也春秋所書京師則洛邑也

著

陸璣云似賴蕭青色科生○本草云著實主益氣充肌膚明目聰慧先知久服不饑不老圖經云生少室山谷今蔡州上蔡縣白龜祠旁其生如蒿作叢高五六尺一本一二十莖至多者三五十莖生便條直異於衆蒿秋後有花出于枝端紅紫色形如菊○易云著之德圓而神昔者聖人之作易也幽贊於神明而生著○周官筮

人上春相筮○逸禮云天子之著九尺諸侯七尺大夫五尺士三尺著千歲三百莖者先知也○洪範五行傳曰著之爲言耆也百年一本生百莖此草木之壽知吉凶者也聖人以問鬼神焉○史記云著所生獸無虎狼草無毒螫褚先生云聞著生百莖者其下必有神龜守之其上常有青雲覆之傳曰天下和平王道得而著莖長丈叢生滿百莖今世取著不能中古法度取滿六十莖已上長六尺者即可用矣○論衡云著生七十歲生

一莖七百歲生十莖神靈之物遲也○說原云草植三百六十著爲之長○傳玄賦云春邁德于青陽混百卉而萌生逮朱夏而修茂暨商秋而堅貞雖離霜而未雕與潛龜乎通靈

郇

左傳郇文之昭也○毛氏云郇伯郇侯鄭氏云文王之子爲州伯○水經注云涑水又西逕郇城春秋釋地曰解縣西北有郇城服虔云郇國在解縣東郇瑕氏之墟

也余按竹書紀年秦穆公送重耳圍令狐桑泉白衰至
廬柳退次舍于郇桑泉白衰並在解東南明不至解今
解故城東北二十四里有故城在猗氏故城西北鄉俗
名郇城考服說與俗符賢于杜單文孤證○一統志山
西平陽府猗氏縣古郇國文王子所封後爲晉令狐地
伯

疏云牧下二伯○鄭答張逸云一州一牧二伯佐之○
旄丘箋云周之制使伯佐牧



六家詩名物疏卷二十八